
Инвестицион муҳит жозибadorлиги йўлида

Ўтган 25 йил мобайнида Бирлашган Миллатлар Ташкилоти (БМТ) Ўзбекистонга иқтисодий, давлат бошқаруви, соғлиқни сақлаш ва таълим соҳаларида амалга оширилаётган ислохотларни қўллаб қувватлаш ҳамда атроф муҳитни муҳофаза қилиш бўйича амалий ёрдам кўрсатиб келмоқда.

Бирлашган Миллатлар Ташкилотининг Тараққиёт Дастури (БМТТД) доирасида фуқаролик жамияти институтлари ва оддий фуқароларга мамлакатнинг ўтиш давридаги қийинчиликларини бартараф этишда ёрдам беришга қаратилган кенг қўламли тадбирларни амалга оширилмоқда.

БМТТД давлат ва нодавлат муассасаларига иқтисодий ва ижтимоий ислохотларни муваффақиятли амалга ошириш ва Ўзбекистон халқининг фаровонлигини таъминлаш учун зарур бўлган билим, тажриба ва ресурслардан фойдаланишда яқиндан ёрдам бермоқда.

БМТТДнинг лойиҳалари доирасида 2011-2012 йиллар давомида Андижон, Фарғона, Сирдарё вилоятлари ҳамда Қорақалпоғистон Республикасида 4 та бизнес қўллаб-қувватлаш марказлари ташкил этилди ва уларнинг тажрибаси бутун мамлакат бўйлаб тадбиқ этилмоқда.

Ижобий ишларнинг давоми сифатида Ўзбекистон Республикаси Инвестициялар бўйича Давлат қўмитаси билан биргаликда “Худудларни инвестициявий жозибadorлигини оширишнинг самарадор йўллари тўғрисида”ги семинар-тренинг ташкил этилиши белгиланди.

Мазкур тренинглар Республиканинг барча худудларида давлат бошқарув идоралари, ташкилот ва корхоналар вакиллари иштирокида юқори савияда ўтказилиши режалаштирилган.

Бугун 24 ноябр куни Латвия давлатининг халқаро экспертлари Марис Пукис ва Андрис Яунслейнисларнинг семинар-тренинги Фарғона вилоятида ўз ишини бошлади.

Тренинг давомида худудларнинг инвестицион жозибadorлигини ошириш, хорижий инвестиция жалб этиш қўламини кенгайтириш, тадбиркорликни ривожлантиришни янада қўллаб-қувватлаш, инфратузилмани ўзаро боғлиқ ҳолда ривожлантириш, тадбиркорлик учун ер майдонлари ва бино-иноошлар ажратишнинг самарали усуллари, йирик хорижий инвесторлар билан музокаралар стратегияси каби йўналишлардаги кўникмалар берилиши кўзда тутилган.

Мазкур тренингда вилоят фаоллари ўзларини қизиқтирган саволларга жавоб олиш, ўз иш фаолияти давомида фойдаланиш учун қимматли маслаҳатлар ва таклифларга эга бўлиш ҳамда уни кенг қўллаш имкониятини қўлга киритади.

Бу эса, иқтисодиётнинг барча жабҳаларида хорижий тажрибани ошириш, бошқаришда янги услубларни жорий этиш, инвестицион муҳит ва бизнесни юритишни юқори даражага кўтариш, жамиятда ўзини ўзи бошқариш тизимини жадаллаштиришда ўз самарасини беришига ишонамиз.

2018-11-28 09:15:46